

Stáhtaráði ásahus

Meahciráđdehusas

Stáhtaráði mearrádusa mielde mearriduvvo Meahciráđdehusas addojuvvon lága (234/2016) 39 §:a 3 momeantta, 41 §:a ja 43 §:a vuodul:

1 §

Stivra

Dasa lassin mii Meahciráđdehusas addojuvvon lágas (234/2016), mannelis *meahciráđdehusláhka*, mearriduvvo, de stivrra lahtuin okta galgá ovddastit Eana- ja meahccedoalloministeriija ja okta Birasministeriija.

Stivrra lahtus galgá leat Meahciráđdehusa oppalašdoaimmaid dahje fitnodatdoalu áššedovdamuš.

2 §

Stivrra doaimmat

Meahciráđdehuslága 12, 19 ja 33 §:s mearriduvvon doaimmaid lassin stivra:

- 1) mearrida fitnodatdoaimma haddemearridanprinsihpain ja haddemearrideapmái guoskevaš mearridanvállddi geavaheamis;
- 2) mearrida fitnodatdoaimma álggaheamis ja loahpaheamis;
- 3) nanne Meahciráđdehusa bargoortnega;
- 4) mearrida Meahciráđdehusa almmolaš hálldahusdoaimmaide ja daid ruhtadeapmái guoskevaš soahpamušaid prinsihpain, dan manná go lea ožžon hálldahusdoaimmaid ovttadaga cealkámuša;
- 5) mearrida meahciráđdehuslága 4 §:a 2 momeanttas oaiivilduvvon ossosiid, osolašvuodaid dahje lahttovuodaid háhkamii ja luohpadeapmái guoskevaš árvalusa dahkamis;
- 6) mearrida meahciráđdehuslága 27 §:a 2 momeanttas oaiivilduvvon dáhkádusa addimis;
- 7) mearrida Meahciráđdehusa doaimma siskkaldas goziheamis ja riskkaid stivremis;
- 8) mearrida beaivválaš jodiheaddji doibmii guoskevaš soahpamuša eavttuin;
- 9) mearrida beaivválaš jodiheaddji sadjásaččain;
- 10) mearrida árvalusa dahkamis Eana- ja meahccedoalloministeriijai beaivválaš jodiheaddji eretcealkimis ja meahccegeavahanhoavdda virgegaskavuoda eretcealkimis ja heaittiheamis;
- 11) mearrida árvalusa dahkamis Birasministeriijai luonddubálvalushoavdda virgegaskavuoda eretcealkimis ja heaittiheamis;
- 12) giedahallá Meahciráđdehusa dáfus eará guhkásváikkuheaddji dahje prinsihpalaččat dehálaš áššiid ja mearrida dain.

3 §

Mearrádusdahkan stivrras

Stivra čoahkkana ságadoalli, dahje jos son lea eastašuvvan, de várreságadoalli bovdehusa dihte.

Stivra lea mearridanválddalaš, go ságadoalli dahje várreságadoalli sihke uhcimustá bealli eará lahtuin leat čoahkkimis mielde.

Stivrra mearrádusat dahkkojuvvojit ovttageardán jietnaeanetloguin. Jos jienat mannet dássálagaid, de mearrádussan šaddá dat oaivil, maid čoahkkima ságadoalli lea guottihan.

Stivrra lahtus lea vuoigatvuohta merkehit iežas spiehkasteaddji oaivila beavdegirjai.

4 §

Bálkámávssut

Stivrra lahtuid ja ruhtadoallodárkkisteaddjiid mávssuid mearrida Eana- ja meahccedoalloministeriija.

5 §

Eanagottalaš ráddádallangottit

Eana- ja meahccedoalloministeriija ásaha guhkimustá njealje jahkái hávil ráddádallangotti Lappi, Pohjois-Pohjanmaa ja Kainuu ja Pohjois-Karjala eanagoddái.

Gudege ráddádallangoddái gullet Eana- ja meahccedoalloministeriija mearridan ságadoalli ja várreságadoalli sihke ovcci eará lahtu, geain gudesge lea várrelahttu. Ráddádallangotti lahtut galget ovddastit mánngabealagit guovllu olbmuid, vuovdedoalu, ealáhuseallima, birassuodjaleami ja riikkavulošorganisašuvnnaid. Ovvalgo ráddádallangottit áhahuvvojit, de Eana- ja meahccedoalloministeriija bivdá áššáigullelaš eanagottiid lihtuin sihke Meahciráddehusa doaimma dáfus eará dehálaš čanasjoavkkuin árvalusaid dain olbmuid, geat válljejuvvojit ráddádallangottiide.

Ráddádallangoddi galgá:

1) addit Meahciráddehussii cealkámušaid stáhta eana- ja čáhceguovlluid geavaheapmái guoskevaš mearkkašahtti áššiin;

2) dahkat Meahciráddehussii árvalusaid báikkálaš olbmuid sajádaga vuhtiiváldin dihte ja doaimmaid oktiiheivehan dihte Meahciráddehusa doaimma plánedettiin.

6 §

Sámiid ruovttuguvlui áhahit oaivilduvvon ráddádallangottit

Eana- ja meahccedoalloministeriija ásaha guhkimustá njealje jahkái hávil ráddádallangotti Eanodaga, Anára ja Ohcejoga gielddaide.

Gudege ráddádallangoddái gullet Eana- ja meahccedoalloministeriija mearridan ságadoalli ja várreságadoalli sihke čieža eará lahtu, geain gudesge lea várrelahttu. Ráddádallangottiin galget leat Meahciráddehusa, Sámedikki, gieldda, bálgošiid, guolledoalloguovllu, stáhta vuovdedoallooasussearvvis addojuvvon lágas (235/2016) oaivilduvvon oasussearvvi, ealáhuseallima ja gávppálaš guolásteaddjiid ovddasteaddjit. Anára gildii áhahit oaivilduvvon ráddádallangottis galgá leat maiddái nuortalaččaid siidačoahkkima ovddasteaddji.

Sámiid ruovttuguvlui áhahit oaivilduvvon ráddádallangoddi galgá addit Meahciráddehussii cealkámušaid ja dahkat Meahciráddehussii árvalusaid vuovdedollui, stáhtaeatnama vuovdimii,

oastimii, lonuheapmái ja láigoheapmái sihke luondduriggodatplánii, mohtorgielkájoholagaid ja -vuojahagaid plánemii, meahccejohtalus-, meahcástan- ja guolástanlobiide sihke stáhta čáziid guolledoallogažaldagaide guoskevaš áššiin.

7 §

Ráddádallangottiid doaibma

Ovdalis 5 ja 6 §:s oaivvilduvvon ráddádallangoddi čoahkkana ságadoalli, dahje jos son eas-
tašuvvan, de várreságadoalli bovdehusa dihte. Ráddádallangoddi leat mearridanválddalaš, go
ságadoalli dahje várreságadoalli sihke uhcimustá njeallje eará lahtu leat mielde čoahkkimis.

Ráddádallangotti mearrádussan šaddá dat oaivil, maid eanet go bealli čoahkkimii oassálasti
lahtuin leat guottihan, dahje jos jienat mannet dássálagaid, de dalle mearrádussan šaddá dat
oaivil, maid čoahkkima ságadoalli lea guottihan.

Ráddádallangotti ságadoallái, várreságadoallái ja eará lahttui máksojuvvo máksu čoahkki-
mii oassálastimis Ruhtaministeriija čoahkkinnávssuide guoskevaš guđege gustojeaddji
ávžžuhusa mielde. Čoahkkimii oassálastimis ii máksojuvvo eará máksu.

Eana- ja meahccedoalloministeriija mearrida dasa lassin ráddádallangotti ságadoalli,
várreságadoalli, eará lahtu ja várrelahtu beaiveruđa ja mátkegoluid buhttenákkain.

8 §

Vuosttas ruhtadoallobadji

Meahciráddehusa vuosttas ruhtadoallobadji nohká juovlamánu 31. beaivve 2016.

9 §

Gomihuvvon lága vuodul addojuvvon ásahusa heiveheapmi

Stáhta fitnodatlágádusaid ruhtadoalus ja ruhtadoalloloahpaheamis addojuvvon stáhtarádi
ásahusa (160/2004) heiveheapmi Meahciráddehussii nohká cuoŋománu 15. beaivve 2016.

10 §

Fápmuiboahtin

Dát ásahus boahdá fápmui cuoŋománu 15. beaivve 2016.

Helssegis cuoŋománu 8. beaivve 2016

Ealáhusministtar Olli Rehn

Hálddahusráddi Vilppu Talvitie